

Presentacion "Grupo Teatral Pikante"

ORANJESTAD(AAN)—Dialuna nochi a tuma lugar den Centro di Bario Lago Heights presentacion di e grupo teatral pikante, kendenan ariba 26 di Maart proximo lo demostra nan talento den actuacion teatral cu varios obranan e.o. "School y Kico despues?" "E Aruba mas nobo?", "Pa unda", combina cu un show di moda cu trahenan di baño pa e periodo di semana santa.

E grupo ariba menciona ya caba a presenta obranan manera "Droga perdicion o no" "Bo tambe ta kere den web'i gai?" Tur nan obranan ta original, skirbi y dirigi pa John Brown, director di e grupo menciona y señor Roland Tromp trahador pa Hubentud na San Nicolas, funcionario di e departamento pa asuntunan social.



Grupo teatral Pikante ta un proyecto di e departa-

mento pa asuntunan social cu ta dedica atencion especial na formacion di hobennan pa medio di teatro creativo. E grupo ta

consisti di 19 hobennan di edad 13 pa 22 aña.

Pa logra nan meta e grupo teatral pikante ta trece padilanti tur local

ta sosode alrededor di hobenan y cu hobennan, ademas local tin nos hobennan preocupa tambe ta ser ilustra na un manera humoristico y di e forma aki concientisa hubentud Arubano en particular y e comunidad Arubano en general. Mester menciona si cu e grupo teatral pikante no ta un grupo di teatro comun y corriente. Enfatisando e diferente problemanan den nos comunidad cu nos hobennan ta enfrente pa medio di teatro humoristico e grupo ta trata objetivamente pa lobra nan meta di concientisacion.

Pues Diasabra 26 di Maart proximo pueblo Arubano, Hubentud local ta ser cordialmente invita pa bin presencia otro anochi cultural teatral den Don Bosco Club y Centro di Bario Lago Heights na San Nicolas, cuminsando 8'or di anochi na un entrada di unicamente fls 3, pa persona.

Actividadnan di Grupo Cristal

ORANJESTAD(AAN) — Grupo Cristal Ayo ta participa na esnan cu ta interesa pa haci gym tanto damas como cabayero cu tin gym ariba Dialuna y Diarazon di 7.30 pa 8.30 na school di Ayo.

Por tuma contacto cu Ita Kelly na tel: 32178.

Tambe Grupo Cristal tin actividadnan pa e mucha-

nan di Ayo y vecindario Diadomingo dia 3 di April. Esaki lo ta un paaseierenjacht pa edad di 2 aña pariba.

Lugar lo ta na school di ayo pa 1'or di merdia.

Grupo Cristal ta avisa tambe cu esnan cu ta interesa pa bira miembro por yama na 32482 of 34406.

Leu for di Cas dia 26 Maart

ORANJESTAD(AAN) — Cada aña e turismo di Europa pa Antiyas y Aruba ta creciendo mas y mas. Un di e motibonan grandi pa esaki ta e pre-

sencia di Antiyas y Aruba cada aña na e beurs di turismo mas grandi na mundo e I.T.B. na Berlin na Alemania.

Cientos di islanan y tambe tur e paisnan mas importante den ramo di

turismo na mundo, semper ta presente na e I.T.B. na Berlin. "Leu for di cas" lo duna hopi informacion y lo mustra hopi vista di paisnan presente na e I.T.B. y tambe bunita vista di Berlin, pero lo concentra naturalmente mas ariba e actividadnan di Antiyas y Aruba na Alemania.

Ta parce cu e aña aki e I.T.B. a resulta mihor pa e islanan y pa Caribe en

general cu e añanan anterior. E parti musical tambe ta sumamente atractivo cu e cantante di Aruba "Nan-

do V", kende a gana un premio importante na Hulanda.

E clausura lo ta cu e fabuloso grupo di Curacao "Midi" cu nan hit grandi "Nan a horte". Leu for di cas e luna aki ta na Tele-Aruba dia 26 di Maart.



Algun motibo pakico bo banco mester ta

BANCO DI CARIBE N.V.

1. BUKI DI SPAAR ta duna 5½% di interes pa aña, calcula tur dia.
2. DEPOSITO A TERMINO LARGO (Certificate of Deposit)

1 aña 8 %	} Suma minimo di Afls. 5.000,00
2 aña 8½ %	
3 aña 9 %	
3. CUENTA CORRIENTE cu checkbook cu servicio rapido
4. PARKEERPLAATS gratis dilanti porta di banco.

BANCO DI CARIBE N.V.

Nassaustr.90 ARUBA

23105 • 32168 • 31942 • 32422



Antayera pa 7 or un truck di sushi tabata envolvi den un accidente. Segun e chofer di e truck di sushi, el a sinti e pickup, cu tabata e otro vehiculo envolvi den e accidente den Lucianitastraat, ta core na poco distancia su tras. Despues di un rato el a sinti cu un vehiculo a dal contra e truck. E chofer di e pickup, un guardia di seguridad di habla Spaño, a bisa cu e truck no a indica cu e ta kita na man robez ora e tabata bay pasa. E caso ta worde investiga.